

## Universitätsbibliothek Paderborn

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

6. Dando no[n] perdi opes, sed augeri.

**urn:nbn:de:hbz:466:1-45653**

moto atq; sublevato , oleum , quod excreuerat , ora dolij transiens , paumentum loci in quo incubuerat , inundabat . Quod Benedictus Dei famulus ut aspergit , protinus orationem complevit , atq; in paumentum oleum destuere cessauit . Tunc diffidentem inobedientemque fratrem latius admonuit , vt fidem habere disceret & humilitatem . Idem vero frater salubriter correptus erubuit , quia venerabilis Pater virtutem omnipotentis Dei , quam admonitione intimauerat , miraculis ostendebat : nec erat iam , vt quisquam de eius promissionibus dubitare posset : qui in uno eodemque momento , pro vitreo vase penè vacuo , plenum oleo dolium reddidisset .

VI.  
Luc.6.38.

Aristophan.  
in Aribus.

Matt.19.29.

Dicunt hinc malè prouidi , immo maledicti auaritiæ ministri , quām verum sit illud : date , & dabitur vobis : dicunt inde acquirere , vnde se purant perdere ; nec , quæ dominorum benigna liberalitas iubet distribui pauperibus , ea vel in dominorum commodum , vel , quod deterius est , in suum marsupium referuent . Optimus modus accipiendi est , Dei amore , dare : dū sic minuuntur opes , augentur . Inscitia igitur , immo impietas est , dicere illud , quod apud Aristophanem legitur : Oleum non est in lecytho , aut decerpere aliquid , vel totum recondere , quod in templorū & egenorum usus à Dominis est destinatum . Fraudem hi faciunt , Dominis suis , quos , dum micam , dum guttam , dum exigua opes comparent , opibus maioribus spoliant . Imo tam imperiti sunt œconomi , vt dum scrupulosissimè querunt heros , principesque suos locupletare , eosdem ad summas angustias redigant de pauperēntque . Si enim Deus centuplum , etiam in hac vita promittit , an non , dum unum florenum iussi in pauperes expendere , eum Domino suo inexpensum asseruant , eidem centum alios furantur ? Et tamen , prō dolor , quid iam frequentius fit in Mundo , qui plenus est , eiusmodi fatuis , quid dico , fatuis ? atheis Politicis arcijs , & thesaurarijs , quorum tota prudentia œconomica in eo consilit , vt nihil dispensent , vt Ecclesiæ Ecclesiasticisque sua accidunt , demant , inuertant fauores , gratiam , dona Principum . Nempe huc ventum est rerum , hæc nunc industria censetur , vt bonum temporale , Politicumque , passim bono spirituali & Ecclesiastico anteponatur . Sic virtus it post aurum ; sic anima seruit carni ; sic religio subiicitur auaritiæ ; sic cœlum terris , immo ipse Deus Mundo cogitur famulari . An non tales athei ? an nō sacrilegi ? an non desperati ? an non fures ? an non ea restituere omnibus

nibus pauperibus obstringuntur, quæ, ne pauperes à dominis donata acciperent, impediuerunt? Quam longè præstaret, cum D. Benedicto, has vitreas opes omnes, per fenestram, aut in mare Creticum projicere; immo spargere in pauperes. Profectò sic nō frangerentur, sic in eterna tabernacula portarentur. Sic dominos' *Luc. 16.9.* suos demum verè opulentarent. Hæc esset vera fidelitas, talis quæstor quæstum faceret essetque verè fidelis seruus & prudens, *Matt. 24.25.* quem constituit Dominus super familiam suam. Qui autem hæc non credit, non facit; & qui non facit, non credit, ut proinde, cum iam totæ scholæ sint talia dicentium, & facientium, hæc ipsa tempora esse Antichristi videantur, quibus se Christus dixit, *fidem non inueniturum in terris.* *Luc 18.8.*

Alia fide imbutus fuit D. Benedictus, ceterique Religio-  
forum conditores, qui crediderunt, Dei bonitatem esse tam bo-  
nam, vt nulla se sinat liberalitate superari. Itaque Religionem in-  
gressi omnia, Christi amore, dimiserunt, Christum sibi peculia-  
ribus studijs obstringentes, ut ipse quoque peculiarem eorum cu-  
ram susciperet. In D. Dominicis vita legimus, recente adhuc ordi-  
ne, cum alumnos suos, Christi more, binos, ad pœnitentiam præ-  
dicandam, in varia loca ablegasse. Contigit aliquando, ut ho-  
rum duo, vsque ad horam nonam diæi, hoc est, vsque ad vesperam,  
absque cibo, fame atque itinere fatigati, inter se moestis animis  
consultarent, vndénam, aut quid, ad corpora curanda, in regione  
ignota, apud ignotos pauperesque sperare possent? Ita sollicitis  
& nutantibus repente superuenit vir statura procerus, forma ho-  
nesta & eleganti, sed habitu peregrino, qui illorum infirmam &  
modicam fidem vultuosius & sermone seueriore accusans. Po-  
tuistis, inquit, credere Deo, ut eius caussâ Mundum relinqueretis,  
nunc autem credere non potestis, illi curam esse de vobis? qui dat *Ps. 146.9.*  
*umentis escam ipsorum?* Non sinet filios fame emori: quod vos ipsi  
hodie abunde experiemini. His acriter dictis, videri desijt (cœ-  
lestis quippe Genius erat) fiduciâ magnâ in animis eorum relictâ.  
Prosequuntur igitur viam, & in pagum proximum, etimque haud  
magnum aut nobilem declinant; ingrediuntur in templū, orant;  
orantes loci sacerdos comiter inuitat, domumque suam ut visant,  
rogat. Dum eunt, obuius miles, suos vult esse conuiuas. Oritur  
pium certamen. Negat se id passurum sacerdos, sibi iam condixi-  
se dictans; se iure esse priorem. Miles, contra ius, vim ostendit;

## VII.